



**Oqaasiliortut ataatsimiinnerat 28.11.2018, nal. 10.00-16.00,**

**Ilimmarfimmi ini nr. 6-mi**

## **Peqataasut**

Oqaasiliortunit: Mariia Simonsen, Mette Larsen Lyberth aamma Knud Møller.

Oqaasileriffimmit: Lisathe Møller aamma Katti Frederiksen. Tikaajaat angalasimanerminik aamma paasissutissiivoq.

## **Peqataaangitsut**

Oqaasiliortunit: Juaaka Lyberth.

### **1. Oqaluuserisassat akuerineqarnerat**

Ataatsimiinnermi oqaluuserisassat allannguuteqartinneqarlutik ima tulleriinnilersorlugillu allannguuteqartinneqarput

1. Oqaluuserisassat akuerineqarnerat.
2. Imaqarniliap akuerineqarnera (Ilanngussaq 1).
3. Siulittaasumit Oqaasileriffimmillu ilisimatitsissutit.
  - a. Inatsisartut aalajangigaannit ilisimatitsissut (Ilanngussaq 2A, 2B, 2C)
  - c. Tikaajaap angalasimanagera pillugu paasissutissiineq
4. Aternik akuersineq
  - a. Ataatsimiinnerup kingulliup kingorna akuerisat (Ilanngussaq 3)
5. Aalajangiiffissat allat:
  - a. Forretningsorden (Ilanngussaq 4)
6. Ilaasortanit siunnersuutit
  - a. Sulineq, sullinneqarneq, aqutsineq suleqatigiinnerlu (Mettep siunnersuutaa)  
**(tulliani ataatsimiinnissamut kinguartinneqarpoq)**
7. Suliat allat pillugit ilisimatitsineq
  - a. Strategi (Ilanngussaq 5) **(tulliani ataatsimiinnissamut kinguartinneqarpoq)**
8. Ataatsimiinnissap tulliaata ullulerneqarnera.
9. Tamalaat. **(Aternik akuersisartullu nereqatigiinnissaq)**



## 2. Imaqarniliap akuerineqarnera

Tallimangornermi 9/11-2018 imaqarniliaq akuersissutigineqarpoq.

## 3. Siulittaasumit Oqaasileriffimmillu ilisimatitsissutit

Oqaasileriffimmit Oqaasiliortunut ilisimatitsissutit makkuupput:

1. Oqaasileriffik Nuuk Centerimi quleriit sisamaannut nutsingajalerpoq. Netværkissaq kisimi utaqqisaavoq.
2. Ilisimatusarfimmi nutserisunngorniat allamiut taaguutaat suli kalaallisut taaguuserneqanngitsut pillugit suliaqarsimapput. Kalaallisut taaguuteqanngitsut qanoq isumaqarnerinik misissueriaatsimik ilinniartinneqarsimapput, Oqaasiliortunullu taakku pillugit saqqummeerusullutik Oqaasileriffimmut saaffiginnipput. Sorpiaat saqqummiunniarneraat paasinarsieripat Oqaasiliortut ataatsimiinnerisa nalaani imaluunniit Oqaasiliortut taaguusersuutit pillugit suleriaatsinik pikkorissartinneqarnerisa nalaanni saqqummiissanersut aalajangerneqassaaq.
3. 2019-imut aningaasanut inatsisip pingajussaaneerineqarnerani Oqaasileriffik 1 mio. kr.-nik ilanngaaffigineqarpoq. Oqaasiliortut oqallisereerlutik isumaqatigiipput tamanna isornartorsiorlugu Naalakkersuisunut ammasunik allagaqarniarlutik.
4. Ordbogip Oqaasersiuutit elektroniskertaa (DAKA) pillugu Ilinniartitaanermut Aqutsisoqarfik ataatsimeeqatigineqarsimavoq. Ilinniusiorfiusimasup ordbogi pillugu qanoq suleqatigineqarsinnaanera paasinarsippat ordbogip qanoq nutarterneqartarnissaa aalajangiiffigineqassaaq.
5. Oqaasiliortut taaguutininik suliaqarnerata misissuiffigineqarnissaanik inatsilerinermilu taaguusersuinerup salliutinneqarnissaanik Inatsisartut aalajangiinerat Oqaasiliortunit oqaluuserineqangaatsiarpoq.  
Inatsisartuni ilaasortat tamarmiullutik aalajangiiffigisassatut siunnersuutit ataaniittut akueraat:

Siumut gruppiata Inatsisartuni aalajangiiffigisassatut



# Oqaasiliortut

The Language Council of Greenland

siunnersuutigisaa akuersissutigineqartoq:

<b>Imm./pkt.: 121</b> Siull. 18/10 Aappass. 14/11 <b>Akuerineqarpoq</b>	Taaguutiniq akuersissuteqartarnermi Oqaasiliortut sulinerat nalilersuiffigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Nalilersuineq inaarsarneqassaaq UKA2019 tikitsinnagu, kalaallisut taaguusersuinerup ineriartortinneqarnissaanut suliat annertusarnissaannut innersuussutiniq aamma imaqartinneqassaaq.	Aappassaaneerinninnermi isumaliutissiissut
--	---	--

Inuit Ataqtigiit gruppiata Inatsisartuni aalajangiiffigisassatut siunnersuutigisaa akuersissutigineqartoq:

<b>Imm./pkt.: 159</b> Siull. 18/10 Aappass. 14/11 <b>Akuerineqarpoq</b>	Oqaasiliortut peqatigalugit inatsisilerinermi kalaallisut oqaatsinik ineriartortitsinermit akuersinissamillu suliaqarnermik Naalakkersuisut salliutsitsinissaat pillugu Inatsisartuni aalajangiiffigisassatut siunnersuut. Taamattaq Naalakkersuisut Oqaasiliortunik oqaloqateqarnermik kingorna UPA2019 sioqqullugu sulinissamut piffissamut pilersaarummik saqqummiussinissaannik peqquneqarput.	Aappassaaneerinninnermi isumaliutissiissut
--	--	--

Kultureqarnermut ataatsimiititaliap isumaliutissiissutaani erseqqissumik allassimavoq Oqaasileriffik 2019-imi 900.000 kr.-nik qaavatigut aningaasaliiffigineqassasoq tusagassiorfinnik siunnersuinerup nukittorsarnissaanut allannermilu najoqqatassamik ordbogiliornissamut (retskrivningsordbog) atugassanik. Taamaakkaluortoq aningaasanut inatsimmi Oqaasileriffik 1 mio. kr.nik sipaarniarfigineqassasoq Inatsisartut aalajangerput. Oqaasiliortut isumaqarput taaguusersuutiniq inerisaasoqarnissaanik kulturimut ataatsimiititaliami salliutitseqqusinerata akerlerluinnaanik Inatsisartuni aalajangiisoqartoq. Oqaaseqaatissamut siulittaasoq siunnersuusiussasoq isumaqatigiissutigineqarpoq.

Oqaasiliortut taaguutiniq akuersissuteqartarnermut tunngatillugu sulinerat 2019-imi nalilersuiffigeqqullugu Naalakkersuisut peqquneqarnissaannik Inatsisartut aalajangiipput, nalilersuinissarlu 2019-imi ukiakkut ataatsimiinneq tikitsinnagu inaarsarneqassalluni. Taanna aamma kalaallisut taaguusersuinerup ineriartortinneqarnissaannik suliat annertusarnissaannut innersuussutiniq imaqartinneqassaaq. Misissuilluni nalilersuinissaq pillugu Naalakkersuisut paasiniaaffigineqassasut Oqaasiliortut isumaqatigiipput, Oqaasiliortut Oqaasileriffillu malinnaatinneqarnissaat pingaaruteqarmat.



Inatsisilerinermut tunngasunik kalaallisut taaguusersuineq salliutinneqassasoq Inatsisartut akuersissutigaa, Naalakkersuisullu Oqaasiliortunik oqaloqateqarnermik kingorna inatsisilerinermi taaguusersuutunik suliaqarnissamut pilersaarummik piffissalikkamik saqqummiussinissaannik Naalakkersuisut peqquneqarput. Oqaasiliortut isumaqarput inatsit naapertorlugu taaguusersuutunik suliaqarlutillu akuersisartussatut pisussaaffiligaanertik qulaatiinnarlugu Inatsisartut aalajangiisut.

Tamakku pillugit Oqaasiliortut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliamut sassarsinnaatitaanersut paasinierneqassaaq.

6. Oqaasileriffimmi atorfilik Tikaajaat Kristensen Danmarkimut Islandimullu angalasimanerminik ilisimatitsivoq. Dansk Sprognævni oqaasersiat pillugit saqqummiinerit oqaluttuarai, kiisalu Islandimi tusagassiortunik siunnersortit suliaannik paasisani oqaluttuaralugit.

#### 4. Aternik akuersineq

Ataatsimiinnerup kingulliup kingorna akuersisat Oqaasileriffimmi suliarineqarsimasut ilisimatitsissutigineqarput. Siunissami ataatsimiinnerit akornngisigut aqqit akuersissutigineqarsimasut, itigartitsissutigineqarsimasut saaffiginnissutaasimasullu allaganngorlugit ilisimatitsissutigineqartassapput.

##### a) Ateq akuersissutigeqqullugu qinnutigineqartoq

Ateq **Katinnuaq** siornatigut akuersissutaareersimasoq nalunaarsukkanili ilaanngitsoq atertut akuersissutigineqarpoq.

#### 5. Aalajangiiffigisassat allat

##### a. Oqaasiliortut suleriaasissaat

Oqaasiliortut suleriaasissaanni allannguutit akuersissutigineqarput.

#### 6. Ilaasortanit siunnersuutit



- a. Mette Larsen Lyberthip eqqartugassatut siunnersuutaa Oqaasiliortut sulinerannut, sullinneqarnerannut, aqunneqarnerannut suleqatigiinnermullu tunngasoq tulliani ataatsimiinnissamut kinguartinneqarpoq.

## 7. Suliat allat pillugit ilisimatitsineq

Periusissiornermik piareersaataasumik suliaqarnerup killiffianik ilisimatitsinissaq tulliani ataatsimiinnissamut kinguartinneqarpoq. Periusissiamik piareersaasut decembarip 14-anni nal. 9-10.30 ataatsimeeqqissapput.

## 8. Ataatsimiinnissap tulliaata ullulerneqarnera

Januaarip 16-anni 2019-imi nal. 10-16.

## 9. Tamalaat

Nunat Aqqinik Aalajangiisartut peqatigalugit sisamangornermi 6/12 nal. 18.30 Sarfalimmi nereqatigiittoqassaaq.

Mariia Simonsen

Siulittaasoq

Mette Larsen Lyberth

Siulittaasup tullia

Knud Møller

Ilaasortaq

Juaaka Lyberth

Ilaasortaq